

宜章縣志 第八卷

風土志

氣候

婚嫁

喪祭

方言

習尚

土宜

氣候

宜章地接粵東居黃岑嶺之東南北界郴中隔摺嶺脉分黃岑一小支往往上寒下燠判若劃界北大雪南微雪北霧雨南晴霽氣候頓殊一歲之間雨暘時若霜雪如期則寒暑皆得其正晴久則隆冬亦暖秋盡冬初桃梨亦花雨久則盛夏生寒諺云不食端陽糗寒衣不敢送又云四時長是夏一雨便成秋夜宜厚衾冬宜重裘一日二日之間陰晴不齊炎涼迥異人或飲食失節衣服增減失宜起居出入勞逸失中觸之輒患傷寒或瀉

宜章縣志

第八卷

風土志

痢作瘧父老相傳云每歲秋得嚴霜冬得積雪則來歲豐稔可期若霜雪不降或霖雨過期或亢陽作旱瘴癘凶之而起瘴候始於三月盡於九月惟霜寒可解然隨地淺深各異如山林廻複草茅障翳炎氣鬱蒸嵐霧偃薄則其為害深或天時陰晴不定此疆彼界村落地域高下不同其害輕重亦異至於城郭近地與平原大村莊烟火輻湊氣得暢舒則鮮此患然滯亢過久害亦惟均大抵瘴起於寒暑相薄晨嵐蔽天薄午方散七八月時俗謂之禾黃瘴又木犀開時嵐隨香送俗謂之香花瘴秋冬黃霧四塞如霧塵層俗謂之落黃霜沾染樹葉色晶瑩如飴味之頗甘按談淵杜鎬博學有識城外墳莊若有甘露降布林木

鑄味之慘然不憚曰此乃雀錫大非佳兆蓋卽此也

節序

〔元旦〕長幼五鼓蚤起肅整衣冠設香燭清茶或供酒果拜

先祖家神擇吉方良時放爆竹出行（荆楚歲時記）雞鳴而

辟山魃還宅內外大小以次拜賀飲屠蘇酒（廣韻）屠蘇元

獻五辛盤懸桃符於門（風土記）月正元日五薰鍊形注五

桃符著戶謂之族黨共登門慶賀戚友往來交賀款以酒食

至元宵節始止元旦日占風色驗歲之豐耗北主豐南主歉天

色明多暘暗多雨後一二日擇期鼓吹迎廟神於宗祠供奉至

元宵前一日送歸（按民國以來破除迷信四時占驗云元旦朦

宜章縣志 第八卷 風土志

黑四邊天大雪紛紛是早年

〔立春〕舊志官僚迎春東郊行禮出土牛胥役以小土牛絲

鞭送鄉達謂送春牛遠近皆趨城市競觀以牛色占歲水旱以

勾芒神鞋占寒燠晴雨以其鞭占桑麻（夢華錄立春前五日並

門之外是日黎明有司爲壇以祭先農立春喜晴諺云立春晴

一日農夫不費力（按迎春之禮人

〔人日〕正月初七日亦曰靈辰（荆楚歲時記）是日以七

箔以貼屏風亦曰靈辰以人爲萬物之靈也（東方朔占書）

一日爲雞二日爲狗三日爲猪四日爲羊五日爲牛六日爲馬

七日爲人八日爲穀蓋以是日占各類一年之吉凶也又一說

〔上元〕正月十五日謂之元夜亦曰元宵京師居民於是日

作粉團煮食即目粉團曰元宵縣中城市鄉村剪綵張燈或製

龍獅百戲金鼓喧闐游觀蟻聚（初學記）上元日剪綵為燈飾以玉采或成山嶽或擬樓臺

人物車馬畢具里黨相慶（荆楚歲時記）是夕備酒肴以迎望夕迎紫姑神以卜將來蠶桑并占眾事

竈神雖虛室亦燃燈火謂之照虛耗（荆楚歲時記）上元夜貴戚以黃柑相遺謂之傳柑

是日宜晴以占早稻諺云雨打殘燈梳早禾一把稈（按城市裝演故事清光緒初年最盛自元旦至上元每夜輒有數十拾近年復盛）

（二月朔）家家以糲米作湯圓綴諸竹枝徧插田園謂之禁

鳥是日農人皆休息驚蟄日以石灰散布礎柱墻垣云以避蟻

又諺云正月雷鳴二月雪三月禾秧老上節（案二月朔唐貞元時以為中和節百官進農書司農獻種種）

又四時占驗云驚蟄聞雷米似泥春分有雨病人

宜章縣志 第八卷 風土志 三

稀月中但得逢三卯豆麥棉花處處飛（按瑞應記禹葬會稽有羣鳥於春耕前銜草根

啄除蕪穢故謂之鳥社禁鳥之俗殆本於此禁當作祭

（春社）各村懸宗圖於祠堂祭拜曰掛圖凡新喪家於社前

一二日祭奠曰掛社墳農人或屆日下種名社穀秧為早禾是

日宜雨諺云春社無雨莫耕田秋社無雨莫種園（案社於土戊日屬土古之

社日皆用戊書召誥戊午乃社可證立春後第五戌為春社立秋後第五戌為秋社禮記仲春之月命民社是也（提要錄）

社公社母不食舊水故又諺云先社後分穀米不出村先分後

社穀米走天下（羣芳譜）社在春分前主歲豐社在春分後主歲歉

是日婦女停針線

張籍詩云今朝社日停針線此俗自唐已然矣

（清明）是日各家折柳枝插門前男女兒童各於綰辮插之

（歲時雜記）江淮間寒食日家家折柳插門（陸游詩忽見家家插楊柳始知今日是清明）鄉村以祭田租

銀具牲醴鼓吹拜墓覆土除草剪楮插墓謂之掛掃祭畢或會

飲墓旁起清明節前十日訖節後數日鼓吹絡繹不絕於道農

人於時清種力田是曰喜晴諺云清明要晴穀雨要霖（荆楚歲時記）

（去冬至一百零五日為寒食在清明前二日亦名冷節）又四時占驗云風雨相逢初一頭

村坊瘠瘦萬人愁清明風若從南至定主高田大有收

〔立夏〕小兒食雞卵數枚名曰護夏又以卵裹韭菜煎食之

曰荷包卵（荆楚歲時記）鑊雞子名畫卵起於古關雞豪家仍加雕鏤遞相餽遺亦曰離卵

是日宜雨諺云立夏不下高田且罷又小滿節宜雨諺云小滿

不滿芒種不管又四時占驗云立夏東風少病痾晴逢初八果

宜章縣志 第八卷

風土志

四

生多雷鳴甲子庚申日定有蝗蟲損稻禾

〔四月八日〕採樹葉染米成飯名烏飯（合璧）居人採桐楊冬青葉染飯色青

有光食之資陽氣（道家名青精飯）是日宜晴諺云四月八日晴蝦公魚崽（俗音宰）

上茅坪又〔四時寶鏡〕四月八日為佛生日家家以紙條作

十字架書咒語云佛生四月八毛蟲今日嫁一去不回家方顯

法力大粘貼堂壁以避蟲蛇好善士女是日多持齋放生（荆楚歲時記）

（荆楚）以四月八日諸寺各設會香湯浴佛共作龍華會（時記）荆楚以四月八日諸寺各設會香湯浴佛共作龍華會

〔端午〕戶懸蒲艾用雄黃朱砂菖蒲合酒飲之以其酒塗小

兒面童女剪羅為香囊佩之午時浴百草湯炙以燈炷謂免疾

厄（雅俗稽言）五月五日修和藥餌者以天罡此時正指艮宮為塞鬼戶按此日為天中節亦曰地臘（荆楚歲時記）

端午畫張天師以賣又泥塑其像以艾為髻以蒜為拳置於門
又刻菖蒲為小人子或為葫蘆形帶之辟邪（風俗通）以五
綵絲繫臂辟鬼及兵一名長命縷一名續命縷一名辟兵縷一
名五色縷一名朱索又有條達等織組雜物以相贈遺案此即
今佩帶香囊遺俗非戚友以蒲扇角黍雞酒相饋送新婚送外
家禮尤厚（風土記）以菰葉裹糯米謂之角黍俗無競渡之
風塾師以摺扇分送東家及弟子報以包封銀或錢曰節敬時
俗於是日各家以紙條作十字架書咒語云五月五日午天師
騎艾虎我今把筆書蟲蟻歸地府貼堂壁以避蟲蟻又四時占
驗雲端陽有雨是豐年芒種聞雷美亦然夏至風從西北起瓜
菜園內受熬煎

〔夏至〕是日忌雷鳴諺云夏至鳴雷乾三伏俗以夏至占米
宜章縣志 第八卷 風土志 五

價諺云夏至五月頭邊食又邊愁夏至五月終孰攔糶米翁又

五月十三日為龍生日喜雨諺云不怕五月十三漫只怕五月

十三斷按五月十三兩俗名磨刀水以關壯繆事附會之又二十六日有雨為分龍雨

南阡北陌晴雨各別諺云夏雨分牛跡（續博物志）五月為

隴畔田園陳酒果以祈豐稔出書與衣曬之是日為大禹生日

鄉村均有祭祀（路史）絲納有莘氏女修己以六月六日生

不知為禹（史記）周時不書伏伏起於秦 又四時占驗云三伏之天

不酷熱五穀田中多不結（史記）時若不見災殃定主三冬多雨雪

第（史記）庚為中伏立秋後初庚為末伏

生曰也 入伏日宜晴雨則常雨謂之漏伏（陰陽書）夏至

後第三庚為初伏

九

〔七月七日〕夜望天河以占米價十一日至十四日河漢見
爲歉徵十五日後河漢纔見爲豐徵諺云天河搭屋脊家家有
飯吃又立秋前刈早稻諺云早禾不吃立秋水處暑前後刈中
稻諺云處暑滿天黃按天河之占自唐已然（四民月令）七月七日曝經書及衣裳不蠹又四
時占驗云立秋無雨甚堪憂萬物從來只半收處暑若逢天下
雨縱然結實也難留

〔中元〕先期列几筵設酒食祀祖舊新具楮錢冥衣焚之有
新喪者戚里助送衣楮雞酒於其家名燒新衣鄉村或延僧道
賑祭無祀孤魂爲孟蘭會（荆楚歲時記）七月十五日僧尼
道俗悉營盆供諸佛（夢華錄）中
元買綵衣冥器爲孟蘭懸掛冥錢衣服焚之按孟蘭盆經目蓮
見其亡母在餓鬼中不得食馳還白佛佛言七月十五日具百

宜章縣志

第八卷

風土志

六

味五果著盆中供養十方佛然後受食目蓮白佛行孝順者亦
應奉孟蘭盆供養云云是中元祭神原本佛教然時常穀熟嘗
新祭神亦合古禮惟多焚紙錢或延僧道則成迷信矣

〔中秋〕城市以月餅鄉村以糗糒羣相餽送夜設酒果玩月
士夫家或登樓賦詠以月之明暗定來歲上元之陰晴諺云雲
暗中秋月雨打上元燈婦女祈嗣者至園圃採瓜謂之摸秋或
用鼓吹送瓜以爲宜男之慶兒童以瓦礫築成浮屠高或三四
尺許灌以油熱火焚灼謂之燒寶塔是月不宜多雨諺云八月
一露九晴光人少疾病殃又白露節日宜種菜諺云處暑蕎麥
白露菜四時占驗云秋分天氣白露多處處歡歌好晚禾此日
若逢天雷電將來米價貴如何又白露日宜晴諺云白露無雨

百日無霜

秋分後逢寅謂之進霜時多微雨俗呼狗毛雨田家五行云霜天雨已忌栽種

多微雨俗呼狗毛雨田

〔重九〕婦女插菊髮黃遠城土人或至黃岑嶺登高鄉村多在

家會飲是日宜雨諺云重陽無雨看十三三無雨一冬乾又

九月一日至九日以南北風占穀價如一日主次年正月之類

諺云南風吹過北有錢糴不得北風吹過南無錢叫來擔是日

蒸麥漸收按魏文帝與鍾繇書云九月九日四時占驗云初一

飛霜侵損民重陽無雨一冬晴月中火色人多病若遇雷鳴米

價增續齊諧志汝南桓景從費長房學長房謂曰九月九日汝家當有災難亟宜令家人各作綵囊盛茱萸繫臂登

高飲菊花酒此禍可消景如言夕還見雞犬牛羊俱斃

〔十月〕農務既畢鄉村延僧道設醮鑼鼓喧野或攤錢演戲

宜章縣志

第八卷

風土志

七

謂之報賽自朔至望皆霜占次年大熟諺云十月初一晴柴炭

灰樣平立冬宜晴諺云立冬無雨一冬晴荆楚歲時記十月

日小四時占驗云立冬之日怕逢壬來年高田枉費心此日若

逢壬子日災殃疾病損人民

〔冬至〕俗於是日宰豬掛肉風前曝乾經年不腐謂之冬至

臘肉釀酒藏儲名冬至酒是日不宜霜諺云十一月降霜確頭

恐無糠四時占驗云初一西風盜賊多更兼大雪大災魔冬至

天陰無日色來年定唱太平歌

〔臘八〕居人多釀酒名臘八酒至二十四日以齋果祀竈神

謂之小除夕一日小年謂竈神於是日上天奏事亦有於先夕

祀之者自是日起小兒鳴金鼓為期殘年是月宜雪以雪占次年豐徵諺云一雪蝗自空一雪年大豐

〔除夕〕長幼整衣冠辭歲宴會曰團年家長例有定歲錢以賜家中男女先日親友餽送豚酒紙花等物門戶皆以春聯門神綵錢貼之金鼓爆竹歡聚圍爐達旦不寐名守歲（風土記除夜祭

先竣長幼聚飲祝頌而散謂之分歲又歲暮家家具敬簌備宿歲之儲謂迎新年

論曰我國以農立國自唐虞以降敬授民時夏小正禮記月令所紀節候詳矣農民占驗口耳相傳望杏瞻蒲耕耨及時豐歉災稔若合符節現雖改用陽曆舊俗存者亦鮮惟流傳既久所當備錄里謠巷諺語雖俚俗亦可備輶軒之採焉

宜章縣志

第八卷

風土志

八

民性

〔桂陽郡志〕淳樸近古畏法少訟重喪祭士少宦情〔輿地志〕地僻民淳事簡易治〔宋陸九淵宜章學記〕醇愿忠樸顛蒙悍勁而不能為欺詐〔舊志〕君子尚禮黎庶愿樸雖地稍衝疲而民鮮爭訟〔案〕邑屬各鄉皆謹愿淳實直樸少文村莊鱗次安土重遷務農為業地方公舉一唱眾和攤費雖多無稍吝惜亦鮮染指者急公好義天性然也惟鄉民戇莽盛氣往往睚眦小忿誤信僉人挑唆成訟因之破產傾家常有之轉移風俗是所望於有風教之責者

習尚

〔舊志〕信鬼神好淫祠尚禮而寡訟郴五屬惟宜為最淳婚
祭宴會不事侈靡大有儉樸之風〔案〕邑俗曩昔居民衣冠
不事華飾惟以布素章身讌會亦無珍殺惟以雞黍餉客金玉
纂組雕文刻鏤里老相傳數十年前皆不數見邇來習與時移
亦有不盡古若者服飾筵席漸增侈靡婦女則夏績麻冬織布
操井臼尚貞潔謹守規閫不與男職客來趨避亦不拜佛燒香
近則亦侈美觀信巫鬼風氣稍殊矣

土宜

〔禹貢〕厥土惟塗泥〔漢書地理志〕楚有川澤山林之饒
以漁獵山澤為業果蔬蠶蛤食物常足故皆窳偷生而無積聚

宜章縣志

第八卷

風土志

九

飲食常給不憂凍餒亦無千金之家〔郴州總志〕郴屬多赤
壤次則五土皆備其土多宜稻〔按〕邑屬水田宜稻春種夏
耘秋穫冬則儲蓄田水不宜別種惟長樂水武水漁溪水流域
附近水田多屬沙泥藉稻後亦可種薯麥雜糧山土宜蕎麥春
種為春麥秋種為秋麥又薯類名目極多俗有紅薯半年糧之
諺縣西麻田大嶺及塘灣等處宜蘿葡肥大味甘草宜蔴菸木
宜松杉油桐山茶梨栗

農事

〔郴州總志〕宜邑多種豆與油菜冬禁放牛舊志事農務本
不習工藝地居楚尾界連粵鄉耕耘為業〔按〕邑屬地瘠民

勤於農事早作夜息終歲無暇日立春後即辦秧田早稻以夏曆二月中播種三月插秧六月穫遲稻三月中播種四月插秧七月穫插秧最早不過春分前最遲不過芒種後若過芒種雖插無收蕎豆雜糧則於早稻後接種以秋前爲上最遲不過白露節冬惟糞蓄水無復栽種父老相戒莫乾冬田乾則泥質彌堅來歲歉收霜降前後取茶子榨油各鄉山多田少一夫僅耕田十數畝兼種薯芋雜糧鄉俗偶遭蟲蝗傷稼或疫癘流行鄉人束草爲龍或七節或九節草繩聯絡環插香火金鼓爆竹循越阡陌蟠繞喧呼謂之舞草龍災祲爲之頓息

論曰農民率佃富民之田以耕每一畝獲穀五擔上田納租十之六中田十之五下田十之四率多減讓不盡如額也田禾穫後或接種秋冬藝例不納租又多兼藝麻桑農隙或販鹽牟蠅頭利故農民勤者無憂凍餒在昔同光間田值錢田賦輕租入利率得約十之一有奇故田主亦獲豐殖近數年來麻桑無人收購鹽稅奇昂田賦附加視正賦多至七八倍由是田主佃農交困而社會生計江河日下不堪設想矣

婚嫁

縣俗男女幼即議婚媒傳庚帖行納采禮聘金多寡不等至多百元副以雞豚酒果綢布釵鐲富家或具全猪羊女家回以庚書并冠履袍褂紙筆墨等物謂之定親男女既長擇吉成婚倩

以雞酒送女家謂之報日女家置奩物多寡隨家貧富富家多備金漆大牀棹椅箱櫃畢具或備奩田媵婢女贈牛馬至有典田營產以辦嫁妝者男家迎娶先期具帖招戚友及期各備賀儀對聯或加鵝酒壻不親迎備綵輿音樂由媒妁導至女家家設香案米盞於大門俟采輿至撒米壓煞名接轎是晚女家治席宴客廳堂母上坐女旁坐擇福澤老婦導飲名離娘酒酒三巡攜女歸房布席邀諸姑姊妹唱歌每歌一闕小兒出報媒氏索花箱錢名打花箱其錢裹以紅箋歌至二三更母女家人乃相聚而哭次早擇時轉轎以福澤婦負女入轎轎行亦撒米壓煞鼓吹盈路奩物先行女父及兄弟一二人往送及至壻家

宜章縣志

第八卷

風土志

十一

設香案接轎如女家儀擇福澤婦爲侍娘啟轎扶新婦歸房梳妝侍娘導新婦入祠堂同壻拜祖先拜天地次拜家堂夫婦交拜然後拜翁姑伯叔眾賓以次拜見各出見儀名曰拜堂歸洞房新郎新婦飲酒交杯兩杯用紅繩相繫名曰合盞晚宴賓戚席罷賓戚喧嚷到房多放爆竹名鬧洞房令新郎新婦捧薑茶飲客鄉俗率於婚期前一日款媒婚期後一日散客富家有留親客一二日者謂之接座近年近城區或倣古禮親遯其餘各區仍舊貧家歎於奩費生女多自襁褓時出抱或數歲過門作童養媳及笄合盞一切禮節從簡其娶媼婦及有夫之婦者禮

節尤簡

論曰婚姻之禮簡則嫁娶得以及時不特繁文縟節當悉去之卽奩物聘金亦當戒繁重若侈美觀而不顧其後糜費致因悔何及乎此非法令所能禁播紳殷富之家以身作則而不爲風氣所轉移久之自轉移風氣而化民成俗矣

喪祭

疾病用醫藥兼信禱賽延巫覡有拜斗跳鬼藏魂等名目人民國來此風漸革始死一二日殯殮衣衾用絹布綢帛棺用杉木成服後擇日開弔戚友咸至以香楮唁奠孝子於幃內稽顙拜謝款以酒食裂帛各一二尺不等延僧巫追薦或三日五日七日不等織竹爲箱實以紙錢及金銀紙錠或費銀元數十百

元不等塋之前一日或請大賓題主戚友無執紼禮惟袒免送於墓所將窆請士紳具衣冠祀本山土神燒楮錢芝麻藁於坎名煖壙旣下棺周覆石灰封以土三日復封名復三後數日孝子纏經踵戚友門叩謝無二虞大小祥禮期諸禮惟三年服闋延僧道撤靈又各鄉間逢殯殮之夕有關喪之禮村人歛資置酒喪家有加籩於棺旁擊鑼歌唱謂之坐夜歌皆七言四句語皆俚俗多追慟逝者唁慰孝子之詞與輓歌相近有唱二十四孝者有譏刺女婿外甥及互相嘲罵者喪多不中禮鄉人慕虛榮往往稱貸變產以行之古則以儉其親相嗤至作佛事建道場惑堪輿雖士族亦難禁免

(案) 鄉村母喪母族輒與孝子爲難或率男女數十百人來孝子

孝婦出幃遠迎頂香跪道旁至則藉端需索肉食必豐裂帛必長或索金銀服物名曰手詎稍不如意輒詬以不孝或少婦夭亡輒以生死不明相恐喝往什與訟蓋俗之弊久矣祭奠遠祖春社冬至祭於宗祠清明則祭於墓謂之掛掃中元燒楮衣及生忌日祭拜大族皆有祭田租銀以支給之

論曰唐呂才敘葬經曰古者卜葬謀之龜筮近代或選年月或相墓田以爲窮達壽夭皆因卜葬所致按禮天子諸侯大夫葬皆有月數是不擇年月也春秋魯葬定公九月丁巳雨不克葬戊午日下景乃克葬是不擇日也鄭葬簡公司墓之室有當道者毀之則朝而窆弗毀則日中而窆子產弗毀是不擇時也古之葬者皆於國都之北北域有常處是不擇地

宜章縣志

第八卷

風土志

十三

也今以妖誣妄言擇地選時以希富貴傷教敗禮莫斯爲甚其論允矣徵之今日則蒙古以屍體懸野樹飽鳥鳶謂之天葬西洋各國皆行荼毗謂之火葬江浙水鄉厝置江岸岸崩柩墮謂之水葬此皆非仁人孝子所忍言夫窀穸以安體魄誠不可忽而溺信風水則誤矣巫覡禱祈僧道追薦亦屬弊俗郴永各縣有延儒生仿僧道追薦名爲文公家禮者則又援儒入墨矣藉喪訛索尤爲惡俗杜絕訟端是在賢有司耳

方言

民多漢語亦有鄉談軍音類茶陵商音類江西新民音類福建除土語外其操官音者亦積久而訛驟聆之不解爲何字細思

之則其語皆有來歷且有口頭極俗之語而爲典籍極古之字
要舉其大概如母之呼爲阿姐也阿本發語詞入聲古稱阿叔
阿姑阿兄阿弟此類極多粵人之名率冠以亞字即阿字轉音
古有以姊呼母者（說文）蜀惟鄉人呼母曰姐惟鄉人呼母阿字近埃音耳又
如叔之呼爲滿滿也本滿叔之轉變如大伯母之呼爲大大也
即大伯母之省音如叔母之呼爲美美也母一音某卽母之轉
音如妻父母之呼爲阿公阿母也則阿音如斜外祖父母之呼
爲阿公阿婆也阿音如欵實則皆阿字也又如冬時以糯米粉
油炸之糖食品本古之膏環見齊民要術今呼爲餡環寒具本古名
見丹鉛總錄今訛爲寒暑油角醃菜之罈本古罍也今呼爲塔且有

宜章縣志

第八卷

風土志

十四

呼爲恩者喫飯有呼爲吃者實則喫字本有喫吃兩音檢古方
言細加考查無甚懸殊惟輕重清濁畧異近城方二十里內皆
操官話惟語尾輕重章水流域與黃岑水流域稍異平和一洞
十餘村皆土語其中楊姓獨操官話相傳其遠祖母係操官話
者最恨侏離詰屈之音禁其子孫操土語違則撻之因以成俗
此則母教之效也各區鄉各有特殊之士語不特上鄉與下鄉
異或此村與彼村異此其大別也至各鄉土語多有音無字且
過鄙俚茲不著於篇云